

年已人疑陝西徒衆盜去仙骨萊陽寧劉公
啓棺視之貌如生乃更衣於金玉堂而復葬
之師之歌頌有漸悟金玉摘微三寶行化圖
成等集行于世大元至元六年己巳正月襄
贈丹陽抱一無為真人云

歷世真仙體道通鑑續編卷之一

歷世真仙體道通鑑續編卷之二

丹雲山聖壽寺高道士題道一編修

譚處端

師初名玉字伯玉後名處端字通正號長真
子蓋祖師授之也世為寧海人以金太宗天
會元年三月一日生生而骨相不凡六歲偶
墮并其家人急救之則安坐水上出之無所
傷又所居遺火巨棟折於榻前師方熟寢
呼而起之神情自若人已知其為異既入學
記誦敏給同輩罕及十歲學詩一日其所親
指木架葡萄令作詩有云一朝行上青龍架
見者人人仰面看衆喜其醜藉長而個儻不
事邊幅以孝義見稱其於經史靡不涉躐尤
工諸草隸因醉卧雪中即感風痺之疾自知
非藥石可療乃暗誦北斗經以求濟急夢天
帝橫空師飛起取之則諸星君坐其上師拜
其下恍然而覺自是歸道之心遂決世宗大
定七年間祖師在馬丹陽家徑往乞備門弟
子列祖師留宿庵中時嚴冬在候藉以海藻
而不任其寒祖師展足令抱之少頃汗出如

置身既中黎明以盥手餘水滌其面宿疾頓
愈由是願推誠心終身事之他日妻嚴氏惟
師不歸就詰其所以師遂離之祖師復其真
勇斷遂授以秘訣立今名號又贈詞有達真
譚玉之語其許可也明矣八年從祖師隱此
嶺之煙霞九年從至黃縣盧山延真觀觀有
盧真君出世之迹師於玉皇殿西壁題詩有
杳杳騰輪去不迴驚騰鶴馭破雲堆之句是
歲冬從祖師遊梁十年春祖師蟬蛻於王氏
旅邸同丹陽輩負仙骨葬於終南之劉蔣村
治喪三年十四年復關東至洛陽朝元宮題
詩云紫詔師真歸去後未知孰繼大羅仙朝
元宮寔朗然子登真之所故進遷至懷之修
武有張八哥者如狂如癡識者以為有道一
日唱言於市曰來者譚先生神仙之總管也
後居新鄉府君廟之庵因往獲嘉縣尋復寓
衛州北關邸中新鄉之廟官温六忽夜見庵
中燈火熒然竊視之則師面火獨坐温拜於
前師微答不言而出温待久不至述之而不
知所在急呼道衆白其事衆令朱四者詣衛

質之主人曰先生自至未嘗出也朱迥告其
眾乃知其陽神也十五年乞食於磁州二祖
鎮一狂徒問爾從何來遽以拳擊師之口尋
致血流齒折而容色不變吐齒於手舞躍而
歸于邸中見者咸怒欲使訟于官師但云謝
他慈悲教誨時丹陽在關中聞而贊之曰一
拳消盡平生業師家所見其有如此十六年
至洛州白家灘一農夫病累月治療無方夢
中遇一道者軀幹魁偉與之紅藥服之立愈
次日見師愕然曰此夢中賜藥之師也欲以
物酬師不領而去嘗與洛州王四郎者同合
寸金丸師之所分治無不效王之所分效十
四五互易之其效與否如前始知非獨藥之
神亦道氣法力之神也十七年過高唐縣以
茶肆吳六者奉待往來道信甚勤乃遣龜蛇
二字懸其肆初不知其為譚師真也一日鄰
舍失火多所延及而吳肆獨存人以二字同
純陽真人辟火符蓋純陽嘗留題於博興縣
之酒館縣被火其館不災辟火符時人謂之
耳又乞食宜村過渡新船就功將冥諸水聚

人而挽之力不能動師因助之應手而去是
後凡僧道渡者水工願設手高東遊武陽武
縣北夜起見北斗交換星如車輪亟呼道眾
觀之其星尚如雞卵動搖未定久之復故自
後師念聖號甚謹衛州淇門鎮石孔日問師
持念之故師云眾亦宜念今歲當有大水之
災眾莫之省是年河決王洪埽二十年復西
遊至同州西里庵門人求親筆報書龜蛇二
字筆力遒勁有龍蛇盤屈之狀凡求書者亦
多以二字與之蓋預指歸期人初不悟至乙
巳四月一日仙蛻始應焉二十一年師在華
陰純陽洞瘡生於首曰其將死乎眾莫知所
對良久曰今我未死速生於足則死矣因示
眾云六年煉盡無明火十載修成換骨丹湛
湛虛堂無罣碍已知跳出死生關又云恰十
年來學得癡騰騰元元任東西欲詢風子修
行事垢面拳頭火滅時復至洛陽朝元宮之
東得隙地數畝築庵居之二十五年夢遇重
陽丹陽報以仙飛之期即令門人預營葬事
適足生瘡遂書長短句云交泰一聲雷迸出

靈光萬道輝龍遇迅雷重脫殼幽微射出金
光透頂飛一性赴瑤池得與丹陽相從隨顯
見長真真妙理無為湧出陽神獨自歸書畢
曲肱而逝矣大元至元六年己巳正月庚贈
長真雲水蘊德真人有水雲前後集行于世

劉處玄

師名處玄字通妙長生其號也金熙宗皇統
七年七月十二日生於東萊之武臣莊其先
九世孝友相繼宋太宗太平興國間朝廷旌
其門閭特免本郡諸役其存恤親舊賑贖貧
乏祖父皆有先世之風母王氏夜夢白衣翁
呼出西南指之有玉樹而四枝枝各有一金
葉令取其一曰他日必生異人意將取之其
葉自墜於手視之則金蟬飛起而復投於口
中翁失所在十有三月師乃生是夜紫氣二
道從太基山橫貫其家師自幼而孤事母以
孝聞母亦有栖隱之志太基在武官南二里
許山之陽有道士谷乃光州太守鄭道昭成
道之所師嘗盤桓其間弱冠母欲議娶師以
素有學道之志竟弗許金世宗大定九年春

於鄰居壁間人所不及處得二頌其墨尚滿
末句云武官養性真仙地須作長生不死人
是歲九月祖師與其徒丹陽長真日東而來
師與母俱往參謁祖師一見問之曰汝解壁
間語否師不言四人相視而笑正所謂目擊
道存之妙也祖師遺之詩云釣罷歸來又見
鰲已知有分列仙曾鳴榔相喚知子意躍出
洪波萬丈高乃授以名號未幾從祖師遊梁
輿馬譚丘三子俱一日祖師以詩示四子有
我趁蓬萊先禮師之句又云我之辭世之語
已留長安灤村呂道人家十年祖師羽化師
與三人同負柩歸葬於南廬於墓側三年各
聽所之因與長真東入洛陽長真居朝元師
居市中土地廟不語者三年俄遷城東北雲
溪洞徒衆日集忽指地云中有井三鑿之二
丈餘得知下貫泉源人問何以知之曰曩世
所居也二十年師指庵右馮氏園曰此我身
後之緣四十年園之松栢死瀝水西流其地
當不售而得乃磨一碑埋於中云此緣興而
碑立明年東之萊迨長春真人西遊道出雲

溪門人陳其遺言其後東海郡侯大安二年
運粟有司得長生觀額至宣宗興定三年四
十年矣馮氏黨其國圖荼清臣以白金百兩
得之請師之門人于離峯住持官伐松栢為
樓檣之用又架雲橋取瀝水經觀西流以護
城師之言於斯皆驗師既至萊蕪庵居之二
十二年復居武官於是玄風大振四方受教
者日益衆師遂註道德黃庭清靜等經是年
丹陽自關中來師感服見之丹陽責其侈師
辯之曰予聞修行之人日消萬兩黃金丹陽
曰日消萬兩黃金正好摘衣淡飯終焉證明
萊州醮事二十三年十二月二十二日丹陽
羽化明年正月姜守靜請師主醮於昌陽十
八日巳午間胡壇徐紹祖等忽見瑞鶴盤繞
空際祖師雲冠絳服丹陽三髻現於彩雲之
上四月十五日登州醮海市見於竹島丹陽
既歿師與玉陽同主葬事守墳百日乃使門
人張順真等持書詣洛請長真主教一日謂
順真曰敎門之事不在於我丹陽得遊仙吾
得朝元後寄書中有歸逝之語兼委掌敎事

是年五月旱登郡守請師祈雨海市復見於
竹島明日丹陽現於應仙橋之西北是日雨
足二十九年師嗣長真主教章宗明昌二年
駙馬都尉出鎮萊州見歸向者甚衆而不見
有異於人疑之命尉司樂武節追捕下獄俄
頃市人見師於城南與道友接談如平日鄭
押獄王受事亦見之意師逃出往視獄中師
方熟睡二人驚駭具所見以白亟令出之又
濰州溫迪罕明威來見留之三日告之曰汝
可速歸汝庵欲壞矣既歸其庵無故人以病
卒永安二年冬召赴闕勅寓天長觀問以玄
旨所對皆合上意臣庶見者無不敬焉就禮
部給觀額五日靈虛曰太微曰龍翔曰集仙
曰妙真明年三月得旨還山大興靈虛之緣
吳六先高明速者憚師嚴厲密謀他日師令
郝命清諭之曰我不了道而且性急請別尋
師友二人相視而語曰我輩在心之事師能
知之迷謝罪赤脚劉先生得疾一月不愈來
乞早逝師振杖言曰汝向時有一年背道之
愆世則以功準過陰理則功過各受其報前

日之愆一年可準今既相遇一月亦可也劉因自誓而疾頓愈泰和二年主濱州臘正月中旬小雪初霽古城濠水復冰上現瓊葩玉樹不啻千數若珊瑚之狀尤多又杏花約及二千其小枝橫卧者殆不可勝計觀之者皆曰常人至誠尚可動天地感鬼神況有道之士乎有此感應也宜矣同知東京留守事劉昭毅定海軍節度使劉師魯致政之後與師往來甚相得三年正月二公請講師第禮師謝曰公等皆當代名臣深荷顧遇吾將逝矣不足為公等友輒示頌云正到崢嶸處何如拂袖歸我今須繼踵迴首反希夷二公覽之愴然是月二十八日大師滿王請主醮果師所赴之期師云越八日二月六日師羽化乃八日也師魯哭之以詩云與君晚歲得相親相對忘形畧主賓日望師來虛正寢忽驚仙去泣同人聞溪聲憶廣長舌見山色思清靜身從此誰為林下客靈虛寂寞鎖深春時春秋五十有六大元至元六年己巳正月獲贈長生輔化明德真人有太虛安閑仙集般陽

大成大同神光至真語錄等集行于世

丘處機

師名處機字通微號長春子登州栖霞人世為顯姓金熙宗大定六年師甫十九歲居崑崙山七年聞重陽祖師於寧海全真處即往師焉重陽以詩贈之云細密金鱗戲碧波能尋香餌會吞鈎被子縲緩收綸線拽入蓬萊水自由其器重可見八年春從祖師住煙霞秋冬居文登九年與丹陽長真生從祖師遊梁祖師日夕訓誘比之餘人尤加切至未幾祖師羽化四人護喪葬之終南崖墓三年各任所適師居磻溪者六年龍門七年養真所受之於師者或時作歌詩以形容之由是聲名藉甚因京兆統軍夾谷公禮請遂復終南戴揚祖教二十八年世宗召入見問以至道師首陳延生保命之要次及持盈守成之難又曰富貴驕淫人情所常當兢兢業業以自防爾誠能久而行之去仙道不遠諛說幻怪非所聞也上嘉納之館於萬寧宮之西以便咨訪五月召見於長松島七月復召見師

剖析至理造瑤臺第一層曲又應制五明日賜上林桃師不食茶果十餘年至是一啖之因上賜也八月得旨還終南賜錢十萬辭不受二十九年世宗崩道達哀詔挽之以詩章宗明昌元年東歸栖霞大建琳宮勅賜其額曰太虛三年十月芝陽縣忽庵中數騎西來眾驚以為驛傳俄頃塵數騎無音迹三夜聖前之杯酒嚼者十餘始悟塵中之騎神人也五年九月主醮於福山方請聖聞天關震響北辰下紅霄燭地可辨纖悉泰和七年元妃施道經一載驛送栖霞東海郡侯大安改元作學仙記二年作開天記宣宗貞祐四年師居登州上命東平監軍王庭玉齎詔召師歸京師曰我循天理而行天使行則無敢違也歲在己卯時金宣宗興定三年居萊州吳天觀時齊魯陷於宋秋八月宋遣使召師命大師彭義斌差官衛行不起州牧以為異師曰吾之出處非若輩所可知他日恐不能留耳是年五月元太祖聖武皇帝自奈蠻國遣侍臣劉仲標請師其制畧曰七載之中成大業

六合之內為一統是以南連蠻宋北接回統
東夏西戎悉稱臣佐任大守重權有關政且
夫刻舟刻楫將以濟江河也聘賢選佐將以
安天下也朕踐祚以來勤心庶政三九之位
未見其人伏聞先生體真履規博物洽聞操

曠窮理道沖德著有古君子之遺風抱真上
人之雅操今知猶隱山東舊境朕心仰懷無
已山川懸闊有失躬迎之禮朕但避位側身
齋戒沐浴選差近臣備輕素車不遠數千里
謹邀先生暫屈仙步不以沙漠遠行為念或

憂民當世之務或恤朕保身之術令朕得親
仙座惟先生將咳嗽之餘但授一言斯可矣
八月仲祿抵燕聞師在萊州又得益都安撫
司吳燕蔣元等願以二十騎從行至益都其
帥張林助以駟騎次維州得清河尹公十二

月送至東萊傳所以宣召之旨師慨然許行
庚辰正月間弟子選可以從行者得一十八
人二月入燕行省石抹公館於玉虛觀仲祿
先遣人馳奏師亦奉表以聞四月作醮於太
極宮師登寶玄堂傳戒有鶴自西北來焚簡

之際一簡飛空五鶴翔舞其上明日師北行
道出居庸過群盜皆稽顙以退且曰母驚師
父五月至德興寓龍陽觀中元日醮午後傳
戒眾露坐暑甚須臾雲覆其上狀若圓蓋移
時方散觀中井水僅給百眾至是汲之不竭

八月太傅移刺公請居宣德之朝元觀公構
聖殿及祖堂欲畫其壁時當十月畫史以寒
辭師不許曰鄒律尚能回春况聖賢有所扶
持耶畢工果無返寒之阻是月進表者為刺
迴有詔曰勅真人丘師省所奏應召而來者

惟師道逾三子德重多方命臣奉朕玄纁馳
傳訪諸滄海時與願適天不人違兩朝屢詔
而弗行單使一邀而肯起謂朕天啓所以身
歸不辭暴露於風霜自願跋涉於沙漠書章
來上善慰何言軍國之事非朕所期道德之

心誠云可尚願川途之難聞瞻几杖之非遙
爰答來章可明朕意秋暑師比安好遣書指
不多及又勅仲祿無使真人飢且勞可扶持
緩來其禮敬如此辛巳二月遣友錢行於西
郊至有擁馬首而泣者曰師去萬里外何時

復舊瞻禮師曰三載歸矣五月朔抵陸局河
日食之既七月至阿不罕山鎮海來謁言前
有大山高峻廣澤沮陷不可以車留門弟子
宋道安九人立栖霞觀率趙虛靜輩輕騎以
行中秋日抵金山白骨旬皆云此地天氣陰

黠魑魍魎為祟過者必以血塗馬首厭之
師笑曰道家何憂此過之卒無所見抵陰
山王官士庶道釋數百來見師因問其故俗
乃曰景龍三年楊何為大都護有德政惠及
後人於今賴之十一月至邪迷忌干大城之

北太師移刺國公及蒙古師等載酒以迎大
設幃幄因駐車馬太師以回紇歎食復多盜
賊恐變生不測師曰道人任運逍遙以度歲
月白刃臨頭猶不足畏况盜賊未至而預憂
乎且善惡兩途必不相害衆遠安冬居等端

氏之新宮壬午三月上旬阿里鮮至自行宮
宣諭仲祿鎮海曰惟汝二人護從真人來仍
勅萬戶播魯只以甲士千人衛之過鐵門達
于行在舍館定入見上勞之曰他國徵聘皆
不應今遠逾萬里而來朕甚嘉焉對曰山野

詔而起者天也咨訪馬上重其誠實設二帳於御臣之東以居之約四月十四日及期有山賊之報上欲親往改卜十月望吉師乞還舊館上曰再來不亦勞乎師曰兩旬可矣上又曰無護送者越三日命宣差揚阿狗督回統酋長一千餘騎從行由他路迴五月達那迷思干諸官迎師入館時重五日也師既還館館據北崖俯清流十餘丈溪水自雪山來甚寒仲夏炎熱就軒風臥夜則寢屋顛之臺六月極暑浴溪中師之在絕域也自適如此其館中賓客甚少每以經書遊戲有詩云北出陰山萬里餘西過大食半年居還荒鄙俗難論道靜室幽嚴且看書七月遣阿里鮮奉表詣行宮稟論道日期八月七日得上批答八日即行太師相送數十里二十二日回鎮海來迎及行宮上遣鎮海問曰便欲見邪且少憇耶師曰入見是望既見賜酒醑竟乃辭上曰師每日來就食可乎師曰山野修道之人惟愛靜處上令從便二十七日車駕北迴在路屢賜葡萄酒瓜茶等九月與渡航橋而

北師奏話期將至上召大師阿海其月既望是夕上設庭燎虛前席以延之大師阿海阿里鮮入侍上問以至道師曰夫道生天育地日月星辰鬼神人物皆從道生人止知天大不知道之大也輕清者為天天陽也屬火重濁者為地地陰也屬水人居其中負陰而把陽故學道之人知修煉之術去奢屏欲固精守神惟煉乎陽是致陰消而陽全則昇乎天而為仙如火之炎上也其愚昧者以酒為漿以妄為常恣情遠德耗精損神是致陽衰而陰盛則沉於地而為鬼如水之流下也修真者如轉石上山山愈高而進愈難跬步顛沛前功俱廢以其難為舉世莫之為也道人修真煉心一物不思如太虛止水水之風息也靜而清萬物照之燦然悉見水之風來也動而濁曷能鑑萬物乎本來真性靜如止水眼悅手色耳好手聲舌香手味意若乎事此數者續來而疊舉若飄風之鼓浪也道人治心之初甚難歲久功深損之又損至於無為道人一身爾治心猶難矧夫天子富有四海日

覽萬機治心豈易哉但能節色欲減思慮亦獲天祐況復能全戒者乎古之人以立嗣而娶嗣立而戒欲則孔子四十而不惑孟子四十不動心蓋人生四十以上血氣漸衰陸下春秋已高宜修德保身以介眉壽論以服藥獨卧之理藥為草稍為髓去髓添草譬如囊中貯金以金易鐵久之金盡囊之所存者鐵爾夫何益哉服藥者何以異此飲食居處珍玩貨財亦當依分不宜稍過四海之外所有國土誠聚奇珍異寶其產雖多然不如中原天垂經教治國治身之術為之大備屢有異人成道昇天者山東河北天下美地多出良香美蔬魚鹽絲枲以給四方之用自古得之為大所以歷代有國者惟重此地爾今盡為陛下所有奈何兵火相繼流散未集宜選清幹官為之規畫量免稅賦使軍國足布帛之用餘黎復蘇息之期一舉兩得茲亦祈福之一端爾苟授非其才不徒無益反為害也初金國之得天下以創起東土中原人情尚未諸悉封割豫於東事使經營八年然後取之

亦開創之良策也山野微陳稷聚其用之捨之惟在宸衷之斷而已上悅令左右書之於策此其大略也其詳見慶會錄翌日上問以震雷事對曰山野開國俗夏不浴於河不洗水不造獵野有菌則禁其採畏天威也然非

奉天之至道嘗聞三千之罪莫大於不孝今開國俗於父母未知孝道帝宜教戒之上集太子諸王大臣諭以師前後之語且云天俾神仙為朕言此汝輩各銘於心神仙之名始於此矣西遊記云十月朔癸未二月七日因奏告乞還舊居

入見而辭上曰少俟三五日前日道語有所未解者朕悟即行上獵東山射一大豕馬蹄失馭豕傍立不敢前左右進馬遂罷獵師聞之入諫曰天道好生今聖壽已高宜少出獵墜馬天戒也豕不敢前天護之也上曰朕已深省以騎射少所習雖未能違已神仙之言在我衷焉自是乃簡出三月七日又入辭前可而所賜備極豐腴皆辭之授專重安慰之旨以寵其歸因命阿里鮮護師東行送者皆泣別至阿不罕山過柘霞觀至五月中師不

食但飲湯而已東塔之曰師疾師曰予疾非爾輩所可測聖賢琢磨故爾是夕尹清和夢入謂之曰師之疾公輩勿憂至漢地當自愈六月晦抵豐州宣差俞公請止其家奉以湯藥輒飽食是後如故眾相謂曰清和之夢

驗矣至雲中阿里鮮欲招諭山東請與清和行師曰天意未詳難往何益阿里鮮再拜曰若國王臨以大軍生靈必遭殺戮師曰雖救之不得猶愈於坐視也從其請八月至宣德居州之朝元觀河朔州府王官將帥以書疏

來請者若輻輳然師答云王室未寧道門先暢開度有緣恢弘無量郡方帥首悉心歸向恨不化身分酬眾望甲申二月朔居縉山之秋陽觀燕京行省石抹威得不宜差便宜劉仲祿各持疏懇請住太極宮許之乃度居庸

初師之出武川也眾請選期師曰三載歸至是如其言是月曷刺至自行在傳首神仙至漢地凡朕所有之城其欲居者居之眾官咸曰師許太極矣請無他議是後道信雲集玄教日興乃建八會曰平等曰長春曰靈寶曰

長生曰明真曰平安曰消災曰萬蓮求法名者曰益眾常以歌頌示之時復出遊故園瓊華之上從者五六月人宴坐松陰或自賦詩或相屬和夕陽在山澹然忘歸乙酉春師折梨花一枝持賜寧玄居士張公去華公重其賜

瓶以養之至秋結實二十有四無異其樹之生者時以為祥去華乃誠明之父也師之寓意微矣哉延祥觀枯槐一株師以杖遠而擊之云此槐生矣及今榮茂他槐莫及九月初宣撫王楫以榮煇犯尾宿主燕境災將醮以

禳之問所費師曰一物失所猶懷不忍況闕境乎比年民苦徵役公私交困我當以常住物給之但令眾官齋戒以俟行禮醮竟之夕宣撫喜而賀曰榮煇已退數舍我輩無復憂矣師之德感何其速哉師曰予何德祈禱之事自古有之但恐其不誠爾丙戌五月京師大旱行省請師主醮雨乃足僉曰神仙雨也名公碩儒皆以詩賀丁亥五月復早在京奉道會眾請作醮師徐謂曰我方留意醮事公等亦建此議所謂好事不約而同也仍云一

日為祈雨醮二日為賀雨醮三日中有雨是右隸家瑞應雨過三日非隸家雨也或曰天意匪易度師對眾出是語萬一失期能無招眾口之訾也師曰非爾所知也後皆如師言是月門人王志明至自秦州奉旨改太極宮為長春瓊華島為萬安宮仍賜以虎符凡道家事一委神仙處置六月師不出明日雷雨大作人報云太液之南岸崩裂水入東湖聲聞數十里龜鼉魚鼈盡去池遂枯涸北口山亦摧師初無言良久笑曰山摧池枯吾將與之俱乎七月四日師謂門人曰昔丹陽嘗授記於予云吾歿之後教門大典四方往往化為道無遺院皆勅賜名額又當住持大宮觀仍有使者佩符乘傳幹教門事此乃功成名遂歸休之時也丹陽之言一一皆驗吾歸無遺恨矣九日登寶玄堂留頌云生死朝昏事一般幻泡出沒水長闊微光見處跳烏兔玄量開時納海山揮斤八絃如咫尺吹簫萬有似機關狂辭落筆成塵垢寄在時人妄聽聞書畢而逝春秋八十便宜劉仲棟揮涕而嘆

曰真人入觀以來君臣道合離闢之後上意眷慕未嘗少忘今師既昇化連當闢奉自是四方赴喪者哀慟如喪其親戊子三月朔清和建議為師構堂於白雲觀期以七月九日大葬六月霖雨皆慶有妨七月初麻然晴霽及啓棺容色如生觀者如堵三日藏仙於堂異香芬馥者移時既寧神大雨宣撫王楫會葬自為主盟親勝其堂曰處順至元六年己巳正月復贈長春演道主教真人師之歌大有磻溪鳴道集行于世

歷世真仙體道通鑑續編卷之二

歷世真仙體道通鑑續編卷之三

浮雲山聖壽萬年宮道士趙道一編修

王處一

師名處一寧海東牟人玉陽其號也金熙宗皇統二年壬戌三月十八日母周氏夜夢紅霞繞身驚寤是日乃生甫七歲嘗氣絕仆地移時方蘇母驚問曰汝何為而若是曰但知熟寐不知其他師因悟生死之理一日偶至山中遇一老人坐大石謂之曰子異日揚名帝闕為道教宗主遂摩頂令去又嘗聞空中人問云汝識我否對曰未識也曰我玄庭宮主也是後狂歌謔舞冬寒跣足單衣顏色不變忽作頌自歌云爭甚名競甚利不如聞早修心地自家修證自前程自家不作為群類弱冠或告以婚事笑而不應世宗大定八年師在文登牛仙山庵居人告以祖師至即請全真庵請為門弟子祖師知其為玄門大器遂從其請二月晦從祖師至崑崙煙霞洞乃授以正法及今名其母拜祖師亦願學道師知其貞潔以德清名之號玄靖散人九年四